



Fernand ETGEN
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 11/07/2022

Här President,

Sou wéi den Artikel 81 vun eisem Chambersreglement et virgesäit, biede mir lech, dës dringend parlamentaresch Fro un de Minister fir Wirtschaft weiderzeleeden.

rtl.lu bericht an engem Artikel vum 6te Juli, dass *ArcelorMittal* Stolprodukter a Russland liwwert. Zitat:

Dës Produkter kommen aus dem betribseegene Wierk am Kasachstan, an deem 35.000 Leit beschäftegt sinn. Et geet an der Haaptsaach ëm Stol fir de Bausecteur."

rtl.lu schreift weiderhin, dass d'EU-Sanktioune géint Russland net ëmgaange géinge ginn, well *ArcelorMittal* vu Kasachstan aus operéiert.

De Lëtzebuenger Staat huet Participatioune bei *ArcelorMittal S.A.* an huet deemno een Informatiounsrecht als Aktionär. An der Chamberssitzung vun haut huet de Wirtschaftsminister, op eng Fro vun eiser Sensibilitéit hin, net konnten äntweren, ob dës tatsächlech de Fall ass.

An deem Zesammenhang wéilte mir dem Minister dës Froe stellen:

1. Huet de Minister méttlerweil Kenntnis vun den Aktivitéite vun *ArcelorMittal*?
2. Ass de Minister der Meenung, dass *ArcelorMittal* d'EU-Sanktioune ëmgeet?
3. Fënnt de Minister et moralesch verrietbar, dass *ArcelorMittal* iwwee Kasachstan den Handel mat Russland weider oprecht erhält?
4. Wäert d'Regierung als Aktionär am Verwaltungsrat vun *ArcelorMittal* d'Thema uschwätzen?

Mat déiwem Respekt,




www.piraten.lu



CLEMENT Sven

Député



GOERGEN Marc

Député

